

老里八早

辣上海讲“到上海去”

文 / 许晓铭

阿拉新村是解放后辣乱坟岗浪建造个,地处杨浦区 and 宝山县(现在是区啦!)个交界处,属于偏僻落乡个“下只角”,当年阿拉新村门口只有一条55路公交线路哦!选个新村是某大学教职员工个家属宿舍,居民来自五湖四海,北方人多于南方人,真正个本地上海人更是少得可怜。告咗伊个辰光新村个大人、小囡差勿多侪

用勿标准个普通话交流,上海闲话讲勿来个。住辣落乡下个只角,又讲勿来哆悠悠、甜蜜蜜个上海闲话,阿拉老有自知之明个做着“乡巴子”。节假日,要是阿拉坐公交车去闹猛个外滩、南京路、淮海路咯啥个地方,就会老骄傲个跟人家讲:“我要到上海去啦!”对比市中心个繁华摩登,阿拉就更感觉自己是个生活辣乡下头

个乡下人。有次,班浪有个同学呒没完成周六老师布置个作业,老师问为啥体勿做功课?星期天辣做啥?同学回答:爷娘带我到上海去了!选个闲话让老师邪气生气:到上海去?难道依勿是辣上海吗?甬里是苏州、杭州啊?后来,老师终于搞清楚选是个阿拉个语言习惯,老师特为花几分钟时间辣班级教育开导阿拉:外地人来上海可以

讲“到上海去”,哪生活辣上海,迭搭里就是组成上海个一部分,哪能可以辩样讲呢?几十年过去了,阿拉迭个落乡地方个变化老大大个:马路宽了,公交线路增加了好几条,尤其是地铁十号线个开通,让阿拉个出行变得方便快捷。商业区也日渐发达,逛街、购物、休闲、娱乐,应有尽有。前些日脚阿拉几个老村民

聚会,叙旧中提到了当年埃句大家伙讲过个“到上海去”,嘻笑中达成共识:迭句闲话印证了当年阿拉迭搭块个落后脱阿拉个自卑告小个愚昧。现在,社会进步了,经济繁荣了,阿拉个上海闲话也讲得老地了,再也勿会用勿标准的上海闲话讲:“到上海去啦!”伊一页,已经彻底翻过去啦!

糖炒栗子

图 / 范生福、范思田
文 / 沈叔



栗树,初夏开花。与其他植物不同的是雌雄同株。花结壳,球形,壳内果肉,坚实,厚密,剥壳生食,肉汁鲜甜,用水煮熟,果肉香糯可口,人们当副食品,也可放在粥里或烧羹,既美味,也滋补,是最佳美食。栗树产于我国辽宁以西,以天津良乡栗子最著名。老上海的海派是所有事物进入上海,都随商业发展而独具特色。商人见人们爱吃栗

子,烧粥、烧羹诸多不便,就别出心裁,“发明”糖炒栗子。先将栗子洗得干干净净,在大铁锅里加油加糖,边炒边卖,人们边走边尝味道,买几斤回家,孝敬双亲。不过,每当糖炒栗子上市,总是秋风劲吹时节,有钱人吃火热美味的糖炒栗子,穷人为过年还债和一家人寒衣发愁。因此,上海有一句俗话:糖炒栗子,难过日子!

茄山河

很长一段时间里,“大团结”(10元面额人民币)勿仅代表了最大个票面,也代表了生活水平。1970年代,一个青年工人,一个月个工资亨八冷打三十六块,还勿足四张“大团结”,扣除生活费,扣除上缴拨爷娘个家用,再扣除储蓄,如果手里头还剩下——“大团结”,一定是风光了邪气。“大团结”最风光个时代,也正好是“的确凉”(涤棉个俗称)最流行个辰光。大热天,一个小青年出门,白色个的确凉衫个表袋里,有一张一折二或者一折四个“大团结”,透过半透明个的确凉,让旁人可以觉得着,人也会显得精神。其实甬一张“大团结”可能是招牌式摆摆卖相个,告咗一般成色非常新,折也折得细心,角对个角。因为伊辰光社会上已经有了“冲手”(小偷),衬衫表袋里个“大团结”忒招摇了,一旦拨偷脱,双脚跳都呒没用。乃末小青工表袋上会插上一支钢笔,钢笔正好夹牢“大团结”,既显得有文化,又是为“大团结”加了一把防盗锁。

还记得“大团结”哦?

文 / 马尚龙

“大团结”是门面,过日脚还是要靠零零碎碎钞票,最草根个是一角两角还有硬币,杂乱一把个塞辣裤子袋袋里。派用场个辰光,从袋袋里摸出来,一把“癞头分”——甬个浑号,虽然是对硬币个勿恭敬,却也勿失形象,台子浪一撒,硬币总是散开去,加上当年头浪长疔交关普遍,散开个硬币勿是很像癞头?或许还有一枚硬币滚了出去,落到地浪继续滚,一直滚到橱底下床底下个旮旯里。待到趴辣地浪向拿了扫帚或者竹竿,终于“完璧归赵”时,已是一身尘垢。也有个辣过年大扫除辰光,辣一个角落头,发现一枚硬币,小小个惊喜,足以大大个炫耀。“癞头分”一点也勿赖。硬币塞辣裤袋里,受伤害个便是裤袋。日复一日遭受硬币、钥匙之类磨损而吃勿消个裤袋,有一天莫名其妙个有了一只洞,有几只癞头分从漏洞里流失,自己都浑然勿知。乃末就有了类似《路边拾到一分钱》个经典传说。用出去个是洋钡,园了屋里

个是钞票。迭个有点玄妙。洋钡总是具体数字个后缀,钞票才是老敦实老安全个感觉。屋里要园点钞票,出门要多带点钞票。钞票园辣屋里,其实也勿是园,无非钞票是要紧个东西,勿用“园”,显示勿出钞票个重要。如果屋里只有一个抽屉有锁,葛末钞票板数就辣其中。虽然甬一把锁,几乎呒没任何个防范能力,防君子勿防小偷。“园了家中个是钞票,园辣个人身上就勿是钞票了,也勿是洋钡,是私房铜钡。私房铜钡是私房个全称。都是钱,也都是辣同样个年代,为啥还会有洋钡和铜钡之分?洋钡甬一个概念始于由西东渐个纸质钞票,铜钡不一样,充满了几千年来个中国传统文化,也就是说,有铜钡个时候,就有了园私房铜钡个习俗。园私房铜钡还是小来来,园得大了,葛就是园银子了。既有园,也必有失风,失风个时候,用得着甬能一句:铜钡银子触心境啊。迭个闲话后来也用辣拉股票被套牢个辰光。

闲话闲画

木、木兄、木知木觉

文 / 阿仁

搭几个朋友约好去龙华寺碰头。相信菩萨个可以去烧烧香。吃得清淡个可以辣海庙里个素斋用一碗罗汉面。贴隔壁个烈士陵园里可以散散步、踏踏青、拍拍照。碰头地点约定辣庙门口。好几个人都迟到了。伊拉还是老皇历,只晓得坐公共汽车才能够摸到龙华寺。其实11号地铁就到龙华寺。从地铁口出来,迎面就是龙华宝塔辣眼门前。勿足百步就可以走到庙门口了。迟到的朋友都叹气:“唉,木了木了!新上海叫阿拉迭点老上海也变成了阿木林啦!”上海闲话里个木,有两层意思。一、动作迟钝,反应缓慢,做事办事手脚勿利索勿快捷。二、脑子勿灵活,思路勿敏捷。前者个木,多半是形容上了年纪个人。“老娘舅坐下来攀谈攀谈、讲讲闲话还看勿出七十多岁了。但是一走路一上台阶就显得木了。年纪不饶人啊。”还可以用木来描写做事勿爽气个朋友。“叫小张去搬几只凳子来,完结!伊就是木兄兄个人,急勿出来个!”后者个木,是形态思路僵化、脑子死板个朋友。“依假使照我个路子来配牌,依就老早赢了。依迭记木脱了!”“先揩台子后扫地,台上地下全部干净。依反过来做,地板又踞了。真是木嘛!”岁数大了,老了,木了,大家



体谅。年纪轻轻个,勿肯多动脑筋,做事体木兴、木兄、木嘛,拨大家当笑话来讲,作孽。普通话里个木,刻画一个人感觉一时丧失,木然是也。称反应勿够敏捷个,木头木脑是也。上海人讲起来,甬就是木知木觉。木知木觉,上海闲话也有讲成为木知木角个。“单位里已经调来了新个领导,依还勿晓得勿认得,真是太木知木觉了,算依狠!”“小菜场摊头浪有几个人靠过来问价钡,伊拉一定是连档模子,拿我个皮夹子冲脱了。我一点勿觉着,木知木觉,倒霉煞脱了。”

与木搭介个绰号里,拨上海人讲得最多个就是阿木林了。阿木林,里面有三个木,可以讲是木到根了。不过老上海称之为个阿木林,是指有点乡愚、对时新类事物勿识勿懂个人。阿木林还算勿得是骂人个闲话。上海人还常常用伊来自嘲一番。“迭只新手机功能实在太多了,我一点也白相勿来。儿子教了我好几趟还是勿来三。我真是阿木林!”阿木林可以算是老个上海闲话了。年纪小个上海人已经勿用了。伊拉用啥,考察中。

远开一点

先生做寿

文 / 彭瑞高

先生75岁,蛮年轻。有学生提出,要给先生做寿。师母说,不要做。先生也说,80岁再讲。可挡不住学生一片热心,还是做了。先生是教书先生,一辈子教书,桃李满天下。教过的学生如果一齐来,恐怕要借万体育馆。所以,只好小范围聚聚。不过范围再小,也开了好几桌。像我们这一桌,都是先生的老学生。先生年轻时就教我们,我们跟先生相差没几岁。他就像我们的大阿哥。今天,先生满头银发,我们也已鬓发如霜。先生手里,握着一部历史。他教书几十年,从助教一直做到

博导。来贺寿的学生,有博士、硕士,也有本科生、专科生。先生还教过工农兵大学生,那就是我们这一届。这个学历最特别。先生说,教你们,我印象最深。回忆和倾诉,是学生给先生最好的贺礼。人人喜笑颜开,却又又能看见隐隐的眼泪。先生看重这一刻,学生也看重这一刻。他们从东北来,从西北来,从西南来,从中南来……学生分布的省份,能组成一幅中国地图。先生面孔红堂堂,没有喝酒,却像酒醉。在他笑容里,我看到了四十年前的学堂。活了半辈子,今天才晓得:读书那些年,才是真正黄金岁月。

沪语童谣

地铁大老虫

创作 / 王森

希奇希奇真希奇,
地铁冒出怪事体——
有人会变大老虫,
偷偷钻进车厢里……

勿买车票勿刷卡,
交关眼睛捉牢伊。
大家哪伊鸭屎臭,
小囡刮伊老面皮!